

SJTUMMING OANE PAUZE

Tekstdichter **Edwin Peelen**
Oetveurend arties **45èlf**
Arrangement **Jos Gijzen**
Opnametechniek **Marlstone Music**

Doa is óp gans dis groeëte welt, gee meëdje zoeë wie dich.
Doe bis besjlijs d'r leefste sjat. 't Sjunste sjtuk vuur mich.
Falderie, faldera, falderie, faldera-ha-ha-ha-ha-ha.
Falderie, faldera. Ich dreum alling va dich.

Knatsj! Paaf! Wie inne sjlaag. Wat dich uëvervilt.
Ram gaaf! Wat ee gevoel. Wie 't mit dich sjpilt.
Want-al-mieë wie doezend joare, kin-dich-jieëker miensj verkloare:
dat oane leefde, 't leëve gaar nit kin besjtoa.
Dink-ste: 't Zal mich noeëts gebure! Óf-wie-lang zal 't nóg dure?
Leefde, de leefde, zal óch dich nit üeversjloa.

Anneliese, óch Anneliese, ich waad hei al sjtónde op dich.
Anneliese, óch Anneliese, de kou sjniet mich in mie gezich.
Mar ich han mie hatz verlóre,
óch al bin ich haof bevróre,
toch zal ich hei blieve wachte,
want doe blies in mieng gedachte.
Roeëze durch de kou bevange,
loate aal' de köpkas hange,
mar dat maag de sjpass nit drukke,
eemoal zal 't toch waal lukke.
Anneliese, óch Anneliese, ich waad hei al sjtónde óp dich.
Anneliese, óch Anneliese, ich weet waal: doe wils nieks mit mich.

Ózze vrundsjaap, bliet ummer besjtoa.
Ózze vrundsjaap, die zal noeëts verlóre goa. Dús,
heëf de glazer. Drink mar mit mich mit.
Vier zint vrung vuur gans 't leëve. Sjunsters gieët 't nit.

Ne sjat, ich wil dich noeëts mieë kwiet.
Blief bei mich dan krieste noeëts mieë sjpiet.
Oane dich dat geet nit mieë,
gans mie leëve lank wil ich bei dich zieë.
Ne sjat, ich wil dich noeëts mieë kwiet.
Mit dich same is de sjunste tiet.
Ummer bin ich vuur dich doa.
Ne sjat, ich loat dich noeëts mieë goa.

Zoaterdigoavend bin ich bei dich.
D'r ganse oavend vuur dich en mich.
Ónger de sjterre zaan ich dich zach,
dat ich bei dich blief, de ganse nach.

Gee miensj deë ós dis sjtumming kin bederve.
Get vruidsjaap huëd d'r in 't leëve bei.
Dus loate vuur mit volle krach ós huure.
't Make va plezeer dat sjeet ós vrei.
Ee bietje tralalalala en hópfaldara.
Zoeë gont vuur dizze oavend same viere.
Gee miensj deë ós dis sjtumming kin bederve.
Get vruidsjaap huëd d'r in 't leëve bei.

Weë is toch dat meëdje mit deë lach óp 't gezich?
't Roeëzearie!
'ch Zou dich wille vroage ófste danse wils mit mich?
Roeëzearie!
Mag ich dich ins pütsje of is dat get te brutaal?
Roeëzearie!
Want doe bis mie ide-ideaal, ide-ideaal, ide-ideaal.
't Sjunste meëdje hei van gans d'r zaal.
Roe-oeë-ze-ma-rie!